


BANDAMANNA SAGA,

útgefin á kostnað

FÖRNRIÐAFJELAGS NORDURLANDA
Í KAUPMANNAHÖFN

af

H. FRÍÐRIKSSYNI.



KAUPMANNAHÖFN.

ÞRENTAÐ HJÁ BERLINGUM.

1850.

HANDMADE

FOR THE USE OF THE
LIBRARY OF THE
MUSEUM OF NATURAL HISTORY

IN THE
MUSEUM OF NATURAL HISTORY

LIBRARY OF THE
MUSEUM OF NATURAL HISTORY

1891

BANDAMANNA SAGA.

Ved

H. Friðriksson.

THE UNIVERSITY OF CHICAGO

LIBRARY

Gunnlaug, Úfeigr.

¹ Úfeigr hét maðr, er bjó vestr í Miðfirði, á þeim bæ, er at Reykjum heitir. Hann var Skíðason, en móðir hans hét Gunnlaug. Móðir hennar var Járngerðr,² dóttir Úfeigs Járngerðarsonar, norðan ór Skörðum. Hann var kvæntur maðr, ok hét Þorgerðr kona hans ok var Valadóttir, ættstór kona ok hinn mesti kvennskörungur. Úfeigr var spekingr mikill ok hinn mesti ráðagörðamaðr. Hann var í öllu mikilmenni, en ekki var hánúum fjárbagrinn hægr. Hann³ átti lendum miklar, en minna lausafé. Hann sparði við engan mann mat, en þó var mjök á föngum, þat er til húsinu þurfti at hafa. Hann var þingmaðr Styrmis frá Ásgeirsá, er þá þótti mestr höfðingi vestr þar. Úfeigr átti son við konu sinni, er Oddr hét. Hann var vænn maðr ok brátt vel menntur; ekki hafði hann mikla ást af föður⁴ sínum; engi var hann verksmíðarmaðr⁵. Vali hét maðr, er þar óx upp heima hjá⁶ Úfeigi. Hann var vænn maðr ok vinsæll. Oddr óx upp heima með föður⁴ sínum, þar

1) Skinnb. hefur sem fyrirsögn: faga opeigr banda kalf.

2) 1630 og 165 L hafa: Ingigerðr.

3) Orðinu Hann er sleppt í skinnb., en það er sett hjer samkvæmt öllum hinum handritunum.

4) í skinnb. ritað: f e ð i.

5) verksmíðr, 165 L.

6) Þannig skinnb. og 554 a þ; hin handritin hafa: með.

til er hann var tólf vetra gamall. Úfeigr var fálátr löngum við Odd, ok unni hánum lítið. Sá orðrómr lagðist á, at engi maðr þar í sveitum væri betr mennt, en Oddr. Einn tíma kemr Oddr at máli við föður¹ sinn ok beiðir hann fjárframlaga, „ok vil ek fara á brott hëðan. Er á þá leið“, sagði hann, „at þú leggr til mín litla sæmd; er ek ok ekki nytsamligr yðru ráði“. Úfeigr svarar: „Ekki mun ek minnka tillög við þik, ór því sem þú hefir til unnit; mun ek ok því næst göra, ok muntu þá vita, hvert fullting þer er at því“. Oddr sagði, at lítt mátti hann við þat styðjast mega, ok skilja við þat talit. Annan dag eptir tekr Oddr vað af þili ok öll veiðarfæri ok tólf álnar vaðmáls. Hann gengr nú í brott, ok kveðr engan mann. Hann ferr út á Vatnsnes, ok ræðst þar í sveit með vermönnum, þiggr at þeim hagræði þau, sem hann þarf nauðsynligast, at láni ok leigu. Ok er þeir vissu ætt hans góða, en hann² var vinsæll sjálfr, þá hætta þeir til þess, at eiga at hánum. Kaupir hann nú allt í skuld, ok er með þeim þau missari í fiskiveri; ok er svá sagt, at þeirra hlutr væri í bezta lagi, er Oddr var í sveit með. Þar var³ hann þrjá vetr ok þrjú sumur, ok var þá svá komit, at hann hafði þá aptr goldit hverjum þat, er átti, en þó hafði hann aflat sér góðs kaupeyris. Aldri vitjaði hann föður síns, ok svá láta þeir hvárir, sem engu ætti við aðra at skylda⁴. Oddr var vinsæll við sína félaga. Þar kemr, at hann ræðst í

¹) Í skinnb. ritað: f eðr.

²) Skinnb. sleppir orðinu hann, en því er bætt við samkvæmt hinum handritunum.

³) Skinnb. sleppir orðinu var, en því er bætt við samkvæmt hinum handritunum.

⁴) Panning skinnb. — 455, 468, 165 L: og 4. add. hafa: og so láta þeir, sem einkenn ætti við annan að skylda. 1630: og so láta þeir, sem hvarrgi ætti við annan at skylda. 554a β: og so láta þeir, sem hvoruger eigi við aðra að skylda. 140 og 493: og so lætr þar hvárr, sem eeki eigi scyllt við annan.

flutningar norðr til Stranda með farma, ok kaupir sèr ferju; aflar þá svá fjár. Nú græðir hann brátt fè, þar til er hann á einn ferjuna, ok heldr nú svá milli Miðfjarðar ok Stranda nökkur sumur; tekr hann nú at hafa vel fè. Þar kemr enn, at hánúm leiddist sjá athöfn. Nú kaupir hann í skipi¹, ok ferr utan, ok er nú í kaupferðum um hrið, ok tekst enn vel til þessa ok liðmannliga; verðr hánúm nú enn gott² bæði til fjár ok mannheilla. Þessa iðn hefir hann nú fyrir stafni, þar til er hann á einn knörr ok mestan hluta áhafnar; er nú í kaupferðum; ok görist stórauðigr maðr ok ágætr. Hann var opt með höfðingjum ok tignum mönnum utanlands, ok virðist þar vel, sem hann var. Nú görir hann svá auðgan³, at hann á tvá knörru í kaupferðum; ok svá er sagt, at engi maðr væri í þann tíma í kaupferðum, sá er jafnaudigr væri sem Oddr. Hann var ok farsælli, en aðrir menn. Aldri kom hann norðarr skipi sínu, en á Eyjafjörð. ok eigi vestarr, en í Hrútafjörð.

⁴Þess er getið eitthvert sumar, at Oddr kemr skipi sínu á Hrútafjörð við Borðeyri, ok ætlar at vera hær um vetrinn. Þá var hann beðinn af vinum sínum, at staðfestast hær. Ok eptir bæn þeirra görir hann svá; kaupir land í Miðfirði, þat er á Mel heitir. Hann effir þar mikinn búnað, ok görist rausnarmaðr í búinu; ok er svá sagt, að eigi þótti um þat minna vert, en um ferðir hans áðr. Ok nú var engi maðr jafnágætr, sem Oddr var, fyrir norðan land. Hann var betri af fè, en flestir menn aðrir; góðr órlausna⁵

1) hafskipi 455, 544 a β og 4. add.

2) Skinnb. sleppir orðunum enn gott, en þeim er bætt hjer við sem nauðsynlegum samkvæmt 4. add.

3) Leiðrjetting fyrir augan, sem misritast hefur í skinnb.

4) Skinnb. hefur hjer fyrirsögn: oddr kaupir mel.

5) Í skinnb. er þetta orð ritað vrluðna, en fyrirsetningin úr er þó annars í skinnb. allajafna rituð or.

við þá, er hans þurftu ok¹ í nánd hánum váru, en föður sínum görði hann aldri hagræði. Skip sitt setti hann upp í Hrútafirði. Þat er sagt, at engi maðr væri jafnaudigr hær á Íslandi, sem Oddr; heldr segja menn hitt, at hann hafi eigi átt² minna fè, en þeir þeir, er auðgastir váru. Í öllu lagi var hans fè mikit: gull ok silfr, jarðir ok ganganda fè. Vali, frændi hans, var með hánum, hvárt ~~en~~ hann var hær á landi eða utanlands. Oddr sitr nú í búi sínu með slíka sœmd, sem nú er frá sagt. Maðr er nefndr Glúmr. Hann bjó á Skriðnisenni; þat er milli Bitru ok Kollafjarðar. Hann átti þá konu, er Þórdís hét. Hón var dóttir Ásmundar hærulangs, föður Grettis Ásmundarsonar. Úspakr hét son þeirra. Hann var mikill maðr vexti ok sterkr, údæll ok uppivöðslumikill. Hann³ var brátt í flutningum milli Stranda ok norðrsveita. Hann var⁴ görviligr maðr, ok görist rammr at afli. Eitt sumar kom hann í Miðfjörð, ok seldi fang sitt. Ok einn dag fèkk hann sèr hest, ok reið upp á Mel, ok hittir Odd. Þeir kvöddust, ok spurðust almæltra tíðenda. Úspakr mælti: „Á þá leið er, Oddr?“ sagði hann, „at góð frètt ferr um yðvart ráð; ertu mjök lofaðr af mönnum, ok allir þykkjast þeir vel komnir, er með þèr eru. Nú vænti ek, at mèr muni svá gefast; vilda ek hingat ráðast til þín“. Oddr svarar: „Ekki ertu mjök lofaðr af mönnum, ok eigi ertu vinsæll; þykkir þú hafa brögð undir brúnum, svá sem þú ert ættborinn til“. Úspakr svarar: „Haf við raun þína, en eigi sögn annarra; því at fátt er betr látið, en efni eru til; þeiði ek þik ekki gjafar at; vilda ek hafa hús þín, en

1) Skinnb. sleppir ok, en því er bætt hjer við samkvæmt hinum handritunum.

2) Skinnb. sleppir átt, en því er bætt við samkvæmt 435 og 4. add.

3) Skinnb. sleppir orðinu Hann, en því er bætt við samkvæmt nokkrum af handritunum.

4) Orðunum Hann var sleppir skinnb., en þeim er bætt við sem nauðsynlegum.

fæða mik sjálf; ok sjá þá, hversu þér gezt at". Oddr svarar: „Miklir eru þér frændr ok torsóttir, ef yðr bítr við at horfa; en við þat, er þú skorar á mik til viðtöku, þá megu vit á þat hætta vetrangt". Úspakr tekr þat með þökkum, ferr um haustið á Mel með feng sinn, ok görist brátt hollr Oddi; sýslar vel um búit, ok vinnr sem tveir aðrir. Oddi líkar vel við hann; líða þau missari. Ok er várar, býðr Oddr hánnum heima at vera, ok kvedst svá betr þykkja. Hann vill nú ok þat; annast Úspakr um búit, ok ferr þat stórvel fram; þykkir mönnum mikils um vert. hversu þessi maðr gefst. Hann er ok vinsæll sjálf, ok stendr nú búit með miklum blóma, ok þykkir engis manns ráð virðuligra vera, en Odds. Einn hlut þykkir mönnum at skorta, at eigi sè ráð hans með allri sœmd, at hann er maðr goðorðslauss. Var þat þá mikill siðr, at taka upp ný goðorð, eða kaupa. Ok nú gördi hann svá; söfnuðust hánnum skjótt þingmenn; váru allir til hans fúsir, ok er nú kyrrt um hríð.

Oddi hugnar vel við Úspak, lét hann, mjök ráða fyrir búinu. Hann var bæði harðvirkr¹ ok mikilvirkr, ok þarfr búinu. Líðr af vetrinn, ok hugnar Oddi nú betr við Úspak en fyrr; því at nú hefst hann at fleira. Á haustum heimtíri hann fè af fjalli, ok urðu góðar heimtur; missti engis sauðar. Líðr nú af vetrinn ok várar; lýsir Oddr því, at hann ætlar utan um sumarit, ok segir, at Vali frændi hans skal taka þar við búí. Vali svarar: „Svá er háttað, frændi! at ek em ekki því vanr, ok vil ek heldr annast um fè okkart² ok kaupeyri". Oddr snýr nú at Úspaki, ok biðr hann taka við búí. Úspakr svarar: „Þat er mæð ofráð, þó at nú flytist³ fram, er þú ert við". Oddr leitar eptir, en

1) 140 og 493: hægvirkr.

2) í skinnb. misritað: oekað.

3) 455 og 4. add.: fleytist.

Úspakr ferr undan, ok er þó óðfúsi til: ok þar kemr, at hann biðr Odd ráða, ef hann¹ heitr hánú sinni ásjá ok trausti. Oddr segir, at hann skal svá fara með hans eigu, sem hann verðr² mestr maðr af ok vinsælstr; sagðist þá reynt hafa, at eigi mun annarr maðr betr kunna nè vilja hans fè varðveita. Úspakr biðr nú á hans valdi vera; lúka nú svá talinu. Oddr býr nú skip sitt, ok lætr bera vöru til. Þetta fréttist, ok er margtalat um. Oddr þurfti eigi langan búnað. Vali ferr með hánú. Ok þá er hann er albúinn, leiða menn hann til skips. Úspakr leiddi hann í lengra lagi; áttu þeir mart at tala. Ok er skammt var til skips, þá mælti Oddr: „Nú er sá einn hlutr, er úskilat er“. „Hvat er þat?“ sagði Úspakr. „Ekki er sèt fyrir goðorði mínu“, sagði Oddr, „ok vil ek, at þú takir við“. „Á þessu er engi gegning“, segir Úspakr; „er ek ekki til þess fær; hefi ek þó meira á hendr tekizt, ■ líkligt 'sè at ek valda eða vel leysa; er þar engi maðr jafnvel til fallinn, sem faðir þinn; er hann hinn mesti málamaðr ok forvitri³“. Oddr kveðst eigi mundu hánú í hendr fá, „ok vil ek, at þú takir við“. Úspakr ferr undan, ok vildi þó feginn. Oddr segir á reiði sína, ef hann tekr eigi við; ok at skilnaði þeirra tekr Úspakr við goðorðinu. Ferr Oddr nú utan, ok tekst vel hans ferð, sem vandi hans var til. Úspakr ferr heim, ok var margtalat um þetta mál; þykkir Oddr mikit vald hafa þessum manni í hendr fengit. Úspakr ríðr til þings um sumarit með flokk manna, ok tekst hánú þat vel ok liðmannliga, kann þat allt vel af höndum at leysa, er hann skylda lög til, ok⁴ ríðr af þingi með sœmd.

1) Skinnb. sleppir orðinu hann, en því er bætt við sem nauðsynlegu samkvæmt hinum handritunum.

2) Í skinnb. misritað veðr.

3) 4. add. hefur forviti.

4) Skinnb. sleppir ok, en því er bætt við samkvæmt öllum hinum handritunum.

Hann heldr kappsamliga sína menn, ok láta hvergi sinn hlut, ok er ekki mjök á þá gengit. Hann er góðr ok greiðr við alla sína nágranna. Hvergi þykkir nú minni¹ rausn nè risna² á búinu, en áðr; eigi skortir umsýslu, ok fara ráðin vel fram; liðr nú á sumarit; riðr hann til leiðar ok helgar hana. Ok er á leið haustið, ferr hann á fjall, er menn ganga at geldfè, ok verða heimtur góðar³; er ríkt fylgt; ok missir engis sauðar, hvárki fyrir sína hönd nè Odds.

⁴ Svá bar til um haustið, at Úspakr kom norðr í Viðidál, á Svölustaði; þar bjó kona sú, er Svala hét. Þar var hánúm veittir beinleiki. Hón var væn kona ok ung. Hón talar til Úspaks, ok biðr hann sjá um ráð sitt; „hefi ek þat frètt, at þú ert búmaðr mikill“. Hann tók því vel, ok tala þau mart; féllst hvárt öðru vel í geð, ok litust þau vel til ok blíðliga; ok þar kemr tali þeirra, at hann spyrr, hverr ráða eigi fyrir kosti hennar. „Engi maðr er mèt skyldri“, segir hón, „sá er nökkurs er verðr, en Þórarinn Langdælagóði hinn spaki“. Síðan riðr Úspakr til fundar við Þórarinn, ok er þar tekit við hánúm vel at eins. Hann hefir nú uppi sitt erendi ok biðr Svölu. Þórarinn svarar: „Ekki kann ek at gírnast til þíns mægis⁵; er margtalat um þínar meðferðir; kann ek þat sjá, at ekki má í tveim höndum⁶ hafa við slíka menn, annathvært at taka upp bú hennar, ok láta hana fara hígat, ella munu þit göra, sem ykkir líkar. Nú mun ek mèt engu af skipta, ok kalla ek ekki

1) Leiðrjetting fyrir mið, sem misritast hefur í skinnb.

2) í skinnb. ritað: ristna.

3) í skinnb. misritað: góða.

4) Skinnb. hefur hjer fyrirsögn: Óspakr peck fuolo.

5) 554 aß, 568 og 4. add.: þinna mægða; 163 o og 165 L: þinnar mægsemdar.

6) í skinnb. misritað: höndu.

þetta mitt ráð". Eptir þetta ferr Úspakr á brott, ok kemr á Svölustaði, ok segir henni svá búit. Nú göra þau ráð sitt, ok fastnar hón sik sjálf, ok ferr hón með hánum á Mel; en þau eiga bú á Svölustöðum, ok fá menn til fyrir at vera. Nú er Úspakr á Mel, ok hèlt rausn í búinu. Hann þótti þó vera údældarmaðr mikill. Nú liðr af vetrinn, ok um sumarit kom Oddr út í Hrítafirði; hafði hánum enn orðit gott til fjár ok mannheilla; kemr heim á Mel, ok lítr yfir eignir sínar; þykkir vel varðveizt hafa, ok¹ gezt vel at; liðr nú á sumarit. Þat er eitt sinn, at Oddr vegr til við Úspak, at vel muni fallit, at hann tæki við goðorði sínu. Úspakr sagði: „Já", segir hann, „þar er sá hlutr, er ek var úfúsastr til með at fara, ok sízt til færri; er ek þess ok alþúinn; en þat ætla ek mönnum þó tíðast, at þat sè gört annathvært á leiðum eða þingum". Oddr svarar: „Þat má vel vera". Liðr nú á sumarit at leiðinni fram. Ok leiðarmorgininn, er Oddr vaknar, litast hann um, ok sèr fátt manna í skálanum; hefir hann sofit fast ok lengi, spratt upp, ok veit, at menn eru görsamliga ór skálanum. Hánum þótti þetta undarligt, ok talar þó fátt. Hann býst um, ok nökkurir menn með hánum. Þeim² þótti þetta undarligt, ok ríða nú til leiðarinnar. Ok er þeir komu þar, þá var þar mart manna fyrir, ok váru þá mjök brott búnir, ok var helguð leiðin. Oddi bregðr nú í brún, ok³ þykkir undarlig þessi tiltekja; fara menn heim, ok liða þaðan nökkurir dagar. Þat var enn einn dag, er Oddr sat undir borði, ok Úspakr gegnt hánum; ok er minnst varir, hleypr Oddr undan borðinu ok at Úspaki, ok hefir reidda exi l

1) Eptir ok hefur skinnb. ²/_o — eðr, — virðist vera með öllu þýðingarlausu á þessum stað.

2) Orðinu Þeim sleppir skinnb. og flest pappirshandritin, en því er hætt hjer við samkvæmt 4. add., þar eð það virðist nauðsynlegt.

3) Skinnb. sleppir ok, en því er hætt við samkvæmt 165 L. og fleirum handritum.

hendi sèr; biðr hann nú laust láta goðorðit. Úspakr svarar: „Eigi muntu þurfa með svá miklu kappi at sækja; þegar hefir þú goðorðit,¹ er þú vilt, ok vissa ek eigi, er² þér væri alvara við at taka”. Retti hann þá fram höndina, ok fékk Oddi goðorðit. Var nú kyrrt um hrið, ok hëðan af³ görist fátt með þeim⁴ Oddi ok Úspaki; er Úspakr heldr ýgr viðskiptis; grunar menn um, at Úspakr mundi hafa ætlat sèr goðorðit at hafa, en eigi Oddi, ef eigi hefði verit kúgat af hánun, at hann mætti undan komast. Nú verðr ekki af búsumsýslunni Úspaks⁵. Oddr kveðr hann at engu; mæltust þeir ok ekki við. Þat var einn dag, at Úspakr býr ferð sína. Oddr lætr, sem hann viti þat eigi; skiljast þeir svá, at hvárrgi kveðr annan. Úspakr ferr nú á Svöl-ustaði, til búis síns. Oddr lætr nú, sem ekki sè at orðit, ok er nú kyrrt um hrið.

Þess er getið, at um haustið fara menn á fjall, ok skaut mjök í tvau horn um heimtur Odds frá því, er verit hafði. Hann skorti at haustheimtum⁶ fjóra tygi geldinga, ok þá alla, er beztir váru af fè hans; er nú víða leitað um fjöll ok heiðar, ok finnast eigi. Undarligt þótti þetta vera; því at Oddr þótti fæuðnumaðr meiri, en aðrir menn. Svá mikill atrekandi var görr um leitina, at bæði var leitað til annarra héraða ok heima, ok görði eigi; ok um síðir dofnað enn yfir þessu, ok var þó margrætt um, hverju gegna mundi. Oddr var ekki glaðr um vetrinn. Vali frændi hans

1) Leiðrjetting samkvæmt öllum pappirshandritunum fyrir goðorð, sem stendur í skinnb.

2) Þannig skinnb.; öll pappirshandritin hafa: at.

3) Í skinnb. misritað: heð.

4) Orðunum með þeim er sleppt í skinnb., en þeim er bætt hjér við samkvæmt hinum handritunum.

5) Úspaks er sleppt bæði í skinnb. og pappirshandritunum, en bætt við sem nauðsynlegu.

6) Leiðrjetting fyrir haustheimtu, sem stendur í skinnb., 163o og 165 L; hin handritin hafa: a haustheimtur.

frétti hann, hví hann væri úglaðr, „eða hvárt þykki þér svá mikit geldingahvarfit? ok ertu eigi þá mikill borði,¹ ef þik hryggir slíkt”. Oddr svarar: „Eigi hryggir mik geldingahvarfit; en hitt þykki mér verra, er ek veit eigi, hverr stólit hefir”. „Þykki þér þat víst”, segir Vali, „at þat mun af orðit? eða hvar horfir þú² helst á? Oddr svarar: „Ekki er því at leyna, at ek ætla Úspak stólit hafa”. Vali svarar: „Ferrst nú vinátta ykkur frá því, er þú settir hann yfir allt þitt góz”. Oddr kvað þat verit hafa hit mesta glapræði, ok vánum betr tekizt hafa. Vali mælti: „Margra manna mál var þat, at þat væri undarligt. Nú vil ek, at þú snúir eigi svá skjótt málinu til áfellis hánun; er þat hætt við orði, at úmerkiliga þykki verða. Nú skulu vit því saman kaupa”, sagði Vali, „at þú skalt mik láta fyrir ráða, hversu at er farit, en ek skal verða víss hins sanna”. Nú kaupa þeir þessu. Vali býr nú ferð sína, ok ferra með varning sinn; ríðr út til Vatnsdals ok Langadals, og selr varninginn; var hann vinsæll ok tillagagóðr. Hann ferra nú leið sína, þar til er hann kemr á Svölustaði, ok fékk þar góðar viðtökur. Úspakr var allkáttr. Vali bjóst þaðan um morgininn. Úspakr leiddi³ hann ór garði, ok frétti margs frá Oddi. Vali sagði gott af hans ráði. Úspakr lét vel yfir hánun, ok kvað hann vera rausnarmannt mikinn; „eða er hann fyrir sköðum orðinn í haust?” Vali kvað þat satt vera. „Hverjar eru getur á um sauðahvarfit?” segir Úspakr;⁴ „hefir Oddr lengi fègefinn verit hér til.” Vali svarar: „Eigi er þat á eina leið. Sumir ætla, at vera muni af

1) Þannig skinnb., 140 og 493: 165 L. 455 og 4. add. hafa bændi: 534 a β hefur: i skapi.

2) Skinnb. hefur a bæði fyrir framan ok aftan helst.

3) Leiðrjetting fyrir leidd, sem misritast hefur i skinnb.

4) Skinnb. sleppir orðunum segir Úspakr. en þeim er bætt hjer við samkvæmt öllum pappirshandr.

mannavöldum". Úspakr segir: „Ætlanda er slíkt, ok er eigi margra brögð: „Svá¹ er ok", segir Vali². Úspakr mælti: „Hefir Oddr nökkurar getur á?" Vali mælti: „Fátalaðr er hann til; en þó er fjölrætt um af öðrum mönnum, hverju gegna muni". „Þat er eptir vánum", sagði Úspakr. „Á þá leið er", sagði Vali, „er þó höfu vit þetta talat, at þat vilja sumir menn kalla eigi úvænt, at vera muni af þínum völdum; draga menn þat saman, er þit skildut stuttliga, en hvarfit varð eigi miklu síðarr". Úspakr svarar: „Eigi varði mik, at þú mundir slíkt mæla; ok ef vit værim eigi slíkir vinir, þá munda ek þessa sárlega hefna". Vali svarar: „Eigi þarftu þessa at dylja, eða svá óðr við að verða; eigi mun þetta af þér bera³, ok hefi ek sèt yfir ráð þitt, ok sè ek þat, at miklu hefir þú meiri föng, en líkligt sè at vel muni fengit". Úspakr svarar: „Eigi mun svá reynast; ok eigi veit ek, hvat tala fjandmenn várir, er slíkt tala vinirnir". Vali svarar: „Þetta er ok ekki af fjandskap mælt af mér við þik, er þú heyrir einn á. Nú ef þú görir svá, sem ek vil, ok gangir við fyrir mér, þá mun þér lætt falla; því at ek skal setja⁴ ráð til þess. Ek hefi seldan varning minn víða um sveitir; mun ek segja, at þú hafir við tekit, ok keypt þér með slátr ok aðra hluti; mun þat⁵ engi maðr mistrúa; skal ek svá til haga, að þér verði engi úsæmd at þessu, ef þú fylgir mínu ráði at". Úspakr sagðist eigi mundu við ganga. „Þá mun fara verr", segir Vali, „ok veldr þú sjálfr". Síðan skiljast þeir, ok ferr

1) Í skinnb. er þetta orð ritað su.

2) Orðunum segir Vali er sleppt í skinnb., en þeim er bætt við samkvæmt hinum handritunum.

3) Þannig skinnb. 140 og 493 hafa: því at meiri ván er, at eigi beri af þér. 455, 554 aβ, 568 og 4. add. hafa: muntu fyrir mun.

4) setja er ritað tvívegis í skinnb.

5) Þannig skinnb. og 455; 163o. 165 L, 554 aβ, 568 og 4. add. hafa: því.

Vali heim. Oddr spyr, hvers hann hefði viss orðit¹ um sauðahvarfit. Vali lét sér fátt um finnast. Oddr mælti: „Nú þarf eigi við at dyljast, at Úspakr hefir stolit; því at þú mundir hann gjarna undan bera, ef þú mættir”. Er nú kyrrt um vetrinn. Ok er váraði, ok stefnudagar komu, þá ferr Oddr með tuttugu menn, þar til er hann kom mjök at garði á Svölustöðum. Þá mælti Vali við Odd: „Nú skulu þér láta taka niðr hesta yðra, en ek mun riða til húss ok hitta Úspak, ok vita, at² hann vili sættast, ok þurfi málit eigi fram at hafa”. Nú göra þeir svá. Vali riðr heim. Ekki var manna úti. Opnar váru dyrr; gengr Vali inn. Myrkt var í húsum; ok er minnst varir, hleypr maðr ór setinu, ok höggr milli herða Vala, svá at hann fell þegar. Vali mælti: „Forða þér, vesall maðr! því at Oddr er skammt frá garði, ok ætlar at drepa þik. Send konu þína á fund Odds, ok segi hón, at vit sém sáttir, ok hafir þú gengit við málinu, en ek sé farinn at fjárreiðum mínum út í dali”. Þá mælti Úspakr: „Þetta er hit vesta verk orðit; hafða ek Oddi þetta ætlat, en eigi þér”. Svala hittir nú Odd, ok segir þá sáttu, Úspak ok Vala, „ok bað Vali þik aptr hverfa”. Oddr trúir þessu ok riðr heim. Vali lét líf sitt, ok var flutt lík hans á Mel. Oddi þóttu þetta mikil tíðendi ok ill; fær hann af þessu úvirðing, ok þótti slysliga tekizt hafa. Nú hverfr Úspakr á brott, svá at eigi vita menn, hvat af hánum verðr.

³ Nú er frá því at segja, at Oddr býr mál þetta til þings, ok kveðr heiman búa. Þat verðr til tíðenda, at maðr andast ór kvöðinni. Oddr kveðr annan í staðinn; fara menn nú til þings, ok er þar kyrrt framan til dóma. Ok

1) Í skinnb. ritað vorðit.

2) Þannig skinnb. 165 L, 140 og 493 hafa ef; hin handritin hafa: hvart hann vill o. s. frv.

3) Skinnb. hefur hjer fyrirsögn: huilt mál til þing.

er dómar fara út, hefir Oddr fram vígsmálit, ok tekst hánun þat greitt, ok er nú boðit til varna. Skammt í brott frá dómunum¹ sátu þeir höfðingjarnir, Stýrmir ok Þórarinn, með flokk sinn. Þá mælti Stýrmir við Þórarinn: „Nú er til varna boðit um vígsmálit; eða viltu nökkur andsvör² veita þessu máli”. Þórarinn svarar: „Engu mun ek mēr þar af skipta; því at mēr sýnist Oddr nóg nauðsyn til reka, at mæla eptir slíkan mann, sem Vali var, en sá fyrir hafðr, at³ ek ætla at sè hinn vesti maðr”. „Já”, sagði Stýrmir, „eigi er maðrinn góðr víst; en þó er þèr nökkurr vandi á við hann”. „Ekki hirði ek þat”, sagði Þórarinn. Stýrmir mælti: „Á hitt er at líta, at yðvart vandræði mun verða, ok þá miklu meira ok torveldra, ef hann verðr sekr, ok sýnist mēr ásjámál vera, ok leitum í nökkurra ráða; því at sjáum⁴ vit báðir vörn í málinu”. „Fyrir löngu sá ek þat”, segir Þórarinn, „ok lízt mēr þó eigi ráðligt at seinka málit”.⁵ Stýrmir mælti: „Til þín kemr þó mest, ok þat munu menn tala, at þèr verði lítillmannliga, ef fram ferr málit, en vörnin sè brýn; er þat ok mála sannast, at vel væri, þótt Oddr vissi, at fleiri eru nökkurs verðir, en hann einn; treðr hann oss alla undir fótum ok þingmenn vára, svá at hans eins er getið; sakar eigi, at⁶ hann reyni, hversu lögkænn hann er”. Þórarinn svarar: „Þú skalt ráða, ok þèr mun ek at-veita; en eigi er þetta góðvænligt, ok mun illan enda eiga”. „Ekki má at því fara”, sagði Stýrmir; sprettr upp og gengr at dómum;⁷ spyrr, hvat þar fari fram málum manna.

1) Þannig skinnb.; hin handritin hafa: dómunum.

2) í skinnb. ritað andsvor.

3) í skinnb. er þetta orð tvískrifað.

4) Þannig skinnb. hjer; sb. bls. 202, 322³, 333.

5) Þannig skinnb., 1630 og 165 L. 455, 554 a β, 568 og 4. add.: malinu.

6) Þannig skinnb. og 568. 165 L, 455 og 554 a β, þó. 4. add.: þótt.

7) Þannig skinnb. hjer og víðar, en hin handritin hafa: dómunum.

Hánum er þat sagt. Styrmir mælti: „Svá er háttað, Oddr! at varnir eru fundnar í máli þínu, ok hefir þú rangt til búit málit; kvatt heiman tíu búa; er þat lögleysa; áttir þú þat á þingi at göra, en eigi í héraði; gör nú annathvart: gakk frá dóminum við svá búit, eða vèr munum færa fram vörnina”. Oddr þagnar, ok hugsar málit; finnr, at satt er, gengr frá dóminum með flokk sinn, ok heim til búðar. Ok er hann kemr í búðarsundit, þá gengr maðr í mót hánum; sá er við aldr. Hann var í svartri ermakápu, ok var hón komin at sliti; ein var ermr á kápunni, ok horfði sú á bak aptr. Hann hafði í hendi staf og brodd í; hafði síða hettuna, ok rak undan skygnur, stappaði niðr stafnum, ok fór heldr bjúgr. Þar var kominn Úfeigr karl, faðir hans. Þá mælti Úfeigr: „Snemma gangi þèr frá dómum”, sagði hann, „ok er yðr eigi einn hlutr vel gefinn, at svá er allt snarligt ok snöfurligt um yðr; eða er hann sekr, Úspakr?” „Nei”, sagði Oddr; „eigi er hann sekr”. Úfeigr mælti: „Eigi er þat höfðingligt, at ginna mik gamlan; eða hví mundi hann eigi sekr? var hann eigi sannr at sökinni?” „Sannr víst”, segir Oddr. „Hvat er þá?” segir Úfeigr; „ek hugða, at hann mætti bíta sökin; eða var hann eigi banamaðr Vala?” „Engi mælir því í mót”, sagði Oddr. Úfeigr mælti: „Hví er hann þá eigi sekr?” Oddr svarar: „Vörn fannst í málinu, ok féll niðr”. Úfeigr mælti: „Hví mundi vörn finnast í máli svá auðigs manns?” „Þat kölluðu þeir, at rangt væri heiman búit”, segir Oddr. „Eigi mun þat vera, er þú fórt með málit”, sagði Úfeigr; „en vera kann, at þèr sè meirr lagðr fèsnúðr ok ferðir, en¹ allgott² tilstilli um málaferli, en þó ætla ek, at þú berir nú eigi satt upp fyrir mik”.

1) en er tvískrifað í skinnb.

2) Leiðrjetting samkvæmt 455, 554 a β, 568 og 4. add. ístaðinn fyrir allgott. sem stendur í skinnb. 163o og 165 L hafa allt gott.

Oddr svarar: „Ek hirði aldri, hvárt þú trúir eða eigi”. „Svá kann vera”, sagði Úfeigr; „en þegar vissi ek, er þú fórt heiman ór héraði, at rangt var til búit málit, en þú þóttist þér ærinn einn, ok vildir engan mann at spyrja; nú muntu ok vera þér nógr einn um þetta mál; er nú bæði, at þér mun vel takast, enda er slíkum allvant um, er allt þykkir lágt hjá sér”. Oddr svarar: „Þat er þó sýnna, at eigi verði at þér gagn”. Úfeigr mælti: „Sú ein er nú hjálpin í þínu máli, ef þú nýtr mín við; eða hversu fæsparr mundir þú nú vera, ef nökkurr leiðrætti málit?” Oddr svarar: „Ekki sperða ek fæ, ef nökkurr vildi ganga í málit”. Úfeigr mælti: „Þá láttu koma í hendr karli þessum sjóð nökkurn digran; því at margra manna augu verða feskjálg”. Oddr fær hánun mikinn fæsjóð. Þá spurði Úfeigr: „Hvært var fram færð lögvörnin eða eigi?”¹ „Fyrri gengu”² vèr frá dómunum”, sagði Oddr. Úfeigr svarar: „Þat eina heldr fram, er þú gürðir úvitandi”. Nú skiljast þeir, ok gengr Oddr heim til búðar sinnar.

³Nú er þar til at taka, at Úfeigr karl gengr upp á völlum, ok til dómanna; kemr at Norðlendingadómi, ok spyr, hvat þar fari fram málum manna. Hánun er sagt, at sum váru dæmd, en sum búin til reifingar. „Hvat líðr um mál Odds, sonar míns, eða er því lokit nú?” „Lokit sem mun”, sögðu þeir. Úfeigr mælti: „Er hann sekr orðinn, Úspakr?” „Nei”, segja þeir; „eigi er þat”. „Hvat veldr því?” sagði Úfeigr. „Vörn fannst í málinu”, sögðu þeir, „ok var rangt til búit”. „Já”, sagði hann Úfeigr; „munu þér lofa mér at ganga í dóminn?” Þeir játta því. Hann gengr í dómhringinn ok sezt niðr. Úfeigr mælti: „Hvært

¹) eigi er sleppt í skinnb., en því er bætt við samkvæmt 165 L.

²) í skinnb. ritað gingu.

³) Skinnb. hefur hjer fyrirsögn: ap opegi kalli.

er dæmt mál Odds, sonar míns?” „Dæmt er þat, sem mun”, segja þeir. „Hví gegnir þat?” segir Úfeigr; „er villt upp borit um sökina á hendr Úspaki? drap hann eigi Vala saklausan? nam þat við, at eigi væri málit brýnt?” Þeir segja: „Vörn fannst í málinu, ok fèll niðr”. Hverneg er vörn sú?” sagði Úfeigr. Þá var hánun sagd. „Svá víst”, segir hann. „Sýnist yðr þat með nökkurum réttendum, at gefa gaum at slíku, er engis er vert, en dæma eigi hinn vesta mann sekjan, þjóf ok manndrápsmann? Er þat eigi ábyrgðarhlutr mikill, at dæma þann sýknan, er dráps er verðr, ok dæma svá í móti réttendum?” Þeir sögðu, at þeim þœtti þat eigi réttlígt; en þó sögðu þeir þat fyrir sik lagt. „Svá má vera”, sagði Úfeigr. „Unnu þèr eiðinn?” segir Úfeigr. „At vísu”, sögðu þeir. „Svá mun verit hafa”, sagði hann; „eða hversu kváðu þèr at orði? Eigi svána, at þèr skyldut þat dæma, at þèr vissut sannast ok helzt at lögum? svá mundu þèr mæla”. Þeir kváðu svá vera. Þá mælti Úfeigr; „En hvat er sannara, en dæma hinn vesta mann sekjan ok dræpan ok firrðan allri björg. þann er sannreyndr er at stuld, ok at því, at hann drap saklausan mann, Vala; en þat hit þriðja, er at fellr eiðrinn, má kalla nökkut sveigt. Hyggit nú at fyrir yðr, hvárt meira er vert, þessi tvau orðin, er sæta sannendum ok réttendum, eða hitt eitt, er víkr til laganna. Svá mun yðr sýnast sem er; því at þèr munut sjá kunna, at þat er meiri ábyrgð, at dæma þann frjálsan, er makligr er dauðans, en hafa áðr svarit eiða, at þèr skyldut svá dæma, sem þèr vissit réttast. Nú megir þèr¹ svá á líta, at þetta mun yðr þungt falla, ok undan þessi ábyrgð varla komast”. Úfeigr lætr stundum síga sjóðinn niðr undan kápunni, en stundum

1) Orðinu þèr er sleppt í skilub., ■ því er bætt við samkvæmt hinum handritunum; með því að malsgreinin heimtar það.

kippir hann upp. Þat finnr hann, at þeir renna augum til sjóðsins. Hann mælti þá til þeirra: „Þat væri ráðligra, at dæma rétt ok satt, sem þèr hafit svarit, ok hafa þar í mót þökk ok ófúsu hygginna manna ok réttsýnna”. Hann tók síðan sjóðinn, ok steypiti ór silfrinu, ok taldi fyrir þeim. „Nú vil ek lýsa vináttubragð við yðr”, sagði hann, „ok sè ek þó meirr fyrir yðr í þessu, en fyrir mèr, ok göri ek því svá, at þèr erut sumir vinir mínir, en sumir frændr, ok þó þeir einir, at nauðsyn heldr til, at hverr gæti sjálfs sins; vil ek gefa hverjum manni eyri silfrs, er í dómi sitr, en þeim hálfa mörk, er reifir málit, ok hafi þèr þá bæði fèit ok firrða yðr ábyrgð, en spillit eigi sœrum yðrum, er þó liggr mest við”. Þeir hugsa málit, ok lízt sannligt vera við umtölur hans, en þykkir áðr komit í illt efni um eiðabrigðin¹, ok kjósa þeir þann kost af, er Úfeigr bauð þeim. Er þá þegar sent eptir Oddi, ok kemr hann þar, en höfðingjarnir eru þá heim gengnir til búða. Nú er þegar fram haft málit, ok er Úspakr sekr görr, ok síðan nefndir váttar, at dómsorði væri á lokit. Nú fara menn heim til búða sinna við svá búit. Engi frètt fór af þessu um nóttina. En at lögbergi um morgininn stendr Oddr upp ok talar hátt: „Hèr varð maðr sekr í nótt, er Úspakr heitir, í Nordlendinga-dómi, um víg Vala. En þat er at segja til sektarmarka hans, at hann er mikill vexti ok karlmannligr; hann hefir brúnt hár ok stór bein í andliti², svartar brýnn, miklar hendr, digra leggi, ok allr hans vöxtr er afburðar mikill, ok er maðr hinn glœpamannligsti”. Nú bregðr mönnum í brún mjök; margir höfðu áðr enga frètt af haft; þykkir mönnum Oddr fast fylgt hafa, ok giptusamliga til hafa tekizt, svá sem komit var málinu.

¹) Þannig skinnb., 1630 og 165 L. 455, 554 aβ, 568 og 4. add. hafa: eiðabrigðina.

²) Í skinnb. ritad: auliti.

'Frá því er sagt, at þeir, Styrmir ok Þórarinn, talast við. Styrmir mælti: „Mikla sneypu ok svívirðing höfum² vit af þessu máli fengit“. Þórarinn segir þat eptir líkendum, „ok munu hér vitrir menn hafa um velt“. „Já“, sagði Styrmir; „sér þú nökkut nú til leiðrétu?“ „Eigi veit ek, at þat megí brátt verða,“ segir Þórarinn. „Hvat helzt?“ segir Styrmir. Þórarinn svarar: „Væri sökin við, þá er fê var borit í dóm, ok sú mun bíta“. „Þat³ er“, segir Styrmir. Ganga þeir þá í brott ok heim til búða. Þeir heimta nú saman vini sína ok tengdamenn á eina málstefnu. Þar var einn Hermundr Illugason, annarr Gellir Þórðarson⁴, þriði Egill Skúlason, fjórði Járnskeggi Einarsson, fimmti Skeggbroddi Bjarnason, sætti Þorgeirr Halldóruson, ok þeir Styrmir ok Þórarinn. Þessir átta menn ganga nú á tal. Segja þeir, Styrmir ok Þórarinn, málavöxtu, ok hvar þá var komit, ok hversu mikill slægr til var fjárins Odds, ok þat, at allir munu þeir fullsælir af verða. Þeir ráða nú til fasta með sér, að veitast allir at málinu, svá at annathvært skyli⁵ fyrir koma sektir eða sjálfðæmi; ganga nú síðan í hönd ok eiða, ok hyggja nú, at þessu megí ekki bregða, ok engi muni traust á bera eða kunnáttu, í móti at rísa. Skilja at svá mæltu, ok ríða menn heim af þingi, ok ferra þetta fyrst af hljóði. Oddr unír nú vel við sína þingreið, ok er nú fleira í frændsemi með þeim feðgum, en verit hafði; sitr nú um kyrrt þau missari. Ok um vórit hittast þeir feðgar

1) Skinnb. hefur hjer fyrirögn: en. ap. band a m̄m { (= mönnum).

2) Þannig skinnb. hjer; sb. bls. 1515, 3223, 333.

3) Leiðrjettling samkvæmt 455, 554 a β, 568 og 4. add. í staðinn fyrir þa, sem stendur í skinnb., og virðist vera þýðingarlaust. Þeir sem ritað hafa 163 o og 165 L, hafa ætlað að leiðrjetta ritvilluna í skinnb. og sett: Ok sú mun bíta þa, og sleppt er.

4) Þannig skinnb. og öll handritin, nema 140 og 493; þau hafa: Gellir Þórkelsson frá Helgafelli.

5) Getgáta fyrir fklili, sem stendur í skinnb., og sem reyndar getur verið ritvilla fyrir skuli, en líklegra er þó, að það sé ritað eptir framburði; sb. bls. 3118.

við laug, ok spyrir Úfeigr tíðenda. Oddr læzt engi frétta, ok spyrir á móti. Úfeigr segir, at þeir, Styrmir ok Þórarinn, hafa safnat liði, ok ætla at fara á Mel stefnuðör. Oddr fréttir, hver sök til þess sæ. Úfeigr segir hánúm alla ætlan þeirra. Oddr svarar: „Ekki lízt mér þetta þungt”. Úfeigr segir: „Pat má vera, at yðr verði þat ekki um afl”. Líða nú stundir at stefnudögum, ok koma þeir, Styrmir ok Þórarinn, á Mel með fjölmenni. Oddr hafði ok mart manna fyrir. Þeir höfðu¹ fram mál sín, ok stefna Oddi til alþingis, tyrir þat, er hann hafði látið bera fê í dóm at úlögum. Verðr þar ekki fleira til tíðenda, ok ríða þeir í brott með flokk sinn. Svá berr enn til, at þeir feðgar hittast ok talast við; spyrir Ófeigr, hvárt hánúm þykki enn engis um vert. Oddr svarar: „Eigi lízt mér þetta mál þungligt”. „Eigi sýnist mér svá”, segir Úfeigr; „eða hversu görla veiztu, í hvert efni komit er?” Oddr læzt vita þat, er þá var fram komit. Úfeigr svarar: „Meira slóða mun draga, at því er ek hygg; því at sex höfðingjar aðrir, þeir at mestir eru, hafa gengit í málit með þeim. Oddr svarar: „Mikils þykkir þeim við þurfa”. Úfeigr mælti: „Hvert mun þitt ráð nú vera”. Oddr svarar: „Hvat nema ríða til þings ok biðja sær liðs”. Úfeigr svarar: „Pat sýnist mér úvænt at svá föllnu máli, ok mun eigi gott, at eiga sína sæmd undir liði flestra”. „Hvat er þá til ráðs?” segir Oddr. Úfeigr mælti: „Pat er mitt ráð, at þú búir skip þitt um þing, ok ver búinn með allt lausagóz þitt, áðr menn ríða af þingi. Eða hvárt þykki þær betr komit þat fê, er þeir taka upp fyrir þær, eða hitt, er ek hef”. „Pat þykki mér illskárr², at þú hafir”. Ok nú fær Oddr föður sínum einn digran fessjóð, fullan af

1) Í skinnb. er það ritað hafðu.

2) Leifrjetting samkvæmt 455, 554 a β og 4. add. í staðinn fyrir illskárr, sem stendur í skinnb.

silfri, ok skiljast at því. Oddr býr nú skip sitt ok ræðr menn til. Líðr nú fram at þinginu, ok ferr þessi ráðagörd af hljóði, svá at fáir verða vísir.

¹Nú ríða þeir höfðingjarnir til þings, ok fjölmenna mjök. Úfeigr karl var í flokki Styrmis. Þeir bandamenn mæltu mót með sèr á Bláskógaheiði: Egill ok Styrmir ok Hermundr ok Þórarinn; ríða nú allir saman suðr til vallarins. Þeir ríða austan: Skegghroddi ok Þorgeirr Halldóruson ór Laugardal, en Járnskeggi norðan, ok hittast hjá Reyðarmúla; ríða nú allir flokkarnir ofan á völlum, ok svá á þing. Þar er nú flest um talat, sem mál Odds eru; þykkir þat öllum mönnum víst vera, at hær muni engi fyrir svara; ætla þat, at fáir þori, enda göri engum, slíkir höfðingjar sem til móts eru; þykkir þeim ok allvænt um sitt mál, ok brasta allmiklit. Engi er sá, er í móti þeim kasti einu orði. Oddr hefir engum manni um sitt mál boðit; býr hann skip sitt í Hrutafirði, þegar menn váru til þings farnir. Þat var einn dag, er Úfeigr karl gekk frá búð sinni, ok var áhyggjumikit²; sèr enga³ liðveizlumenn sína, en þótti við þungt at etja; sèr varla sitt færi einum við slíka höfðingja, en í máli váru engar verndir; ferr hækilbjúgr; hvarflar í milli búðanna, ok reikar á fótum; ferr þanneg lengi; kemr um síðir til húðar Egils Skúlasonar. Þar váru þá menn komnir til tals við Egil. Úfeigr veik hjá búdardyrnum, ok heið þar til þess, er mennirnir gengu í brott. Egill fylgði þeim út; en er hann ætllar inn at ganga, þá snýr Úfeigr fyrir hann, ok kvaddi Egil. Hann leit við hánum, ok spurði, hvern hann væri. „Úfeigr heiti

1) Skinnb. hefur hjer fyrirsögn: af banda *m.*

2) Þannig skinnb., 455 og 568. 163 o, 165 L, 554 a ß og 4. add. hafa: áhyggjumikill.

3) í skinnb. er þetta orð ritað engua; sb. hinar seinni myndir þessa orðs engva og aunga.

ek", sagði hann. Egill mælti: „Ertu faðir Odds?" Hann kvað svá vera. „Þá muntu vilja tala um mál hans; en þat þarf ekki við mik at tala; miklu er því meirr fyrir komit, en ek mega þar neitt til leggja; eru ok aðrir meirr fyrir því máli en¹ ek: Styrmir ok Þórarinn; láta þeir mest til sín taka, þó at vèr fylgim þeim at". Úfeigr svarar, ok varð staka á munni:

Fyrr var sœmra
til sonar hugsu.
Gekk ek aldregi
Odds at sinni;
sá hann² lítið
til laga, gassi,
þótt fjár hafi
fullar gnóttir.

Ok enn kvað hann:

Þat er nú gömlum
gleði heimdraga,
at spjalla helzt
við spaka drengi.
Muntu eigi mër
máls of synja;
því at virðar þik
vitran³ kalla.

„Mun ek fá mër annat til skemmtanar, en tala um mál Odds; hefir þat verit rífligræ, en nú; muntu eigi vilja synja mër máls. Er þat nú helzt gaman karls, at tala við þess háttar menn, ok dvelja svá af stundir". Egill svarar: „Eigi skal varna þèr máls". Ganga þeir nú tveir

1) en er sleppt í skinnb., en því er bætt við sem nauðsynlegu samkvæmt öllum hinum handritunum; (cf. pag. 7, 8, 19). 2) Viðkunnánlegra væri kann.

3) í skinnb. misritað: vitra.

saman, ok setjast niðr. Þá tekr Úfeigr til orða: „Ertu húmaðr, Egill?“ Hann kvað svá vera.¹ „Býr þú þar at Borg?“ „Þat er satt“, segir Egill. Úfeigr mælti: „Vel er mér frá þér sagt ok skapfelldliga²; er mér sagt, at þú sparir við engan mann mat, ok sèr rausnarmaðr, ok okkr sè ekki úlíkt farit; hvárrtveggi maðrinn ættstórr ok góðr af sínu, en úhægr fjárhagrinn; ok þat er mér sagt, at þér þykki gott vinum þínum at veita“. Egill svarar: „Vel þœtti mér, at mér væri svá farit at frètt sem þér; því at ek veit, at þú ert ættstórr ok vitr“. Úfeigr mælti: „Þat er þó úlíkt; því at þú ert höfðingi mikill, ok óttast ekki, hvat sem fyrir er, ok lætr aldri þinn hlut, við hvern sem þú átt, en ek lítilmenni; en skaplyndi kemr saman helzt með okkr; ok er þat harmr mikill, er slíka menn skal nökkut fè skorta, er svá eru miklir borði“. Egill svarar: „Þat kann vera, at þat skiptist brátt. at hægist ráðit“. „Hversu kemr þat til?“ kvað Úfeigr. „Þanneg hyggst mér“, sagði Egill, „ef undir oss berr fèit Odds, at þá muni fátt skorta; því at oss er þar mikit af sagt auð þeim“. Úfeigr svarar: „Eigi mun þat aukit, þó at hann sè sagðr ríkastr maðr á Íslandi; en þó mun þér forvitni á, hvern þinn hlutr verðr af fènu; því at þú ert þess mjök þurfi“. „Þat er satt“, kvað Egill, „ok ertu góðr karl ok vitr, ok muntu vita görla um fè Odds“. Hann svarar: „Þess vænti ek, at þat sè eigi öðrum kunnigra, en mér, ok kann ek þat at segja þér, at engi segir svá mikit frá, at eigi sè þó meira; en þó hefi ek hugsat um áðr fyrir mér, hvat þú munt af hljóta“; ok varð hánun vísa á munni:

Satt er, at sækir átta
seims ágirni heima

¹) vera er sleppt í skinnb.

4. add. hafa skapfelldiga.

²) þannig skinnb. 165 L, 455. 554 a β. og

(orð gürast auðar njörðum
úmæt¹⁾) ok ranglæti.

Ynna ek yðr fyrir mönnum
iðja hlátr at láta,
þundum þykkra randa
þeys, ok sœmdarleysis.

„Hratt mundi þat úlíkligt“, segir Egill, „ok ertu skáld gott“. Úfeigr mælti: „Ekki skal þat draga fyrir þér, hverja fullsælu þú munt upp taka, en þat er hinn sextándi hlutr ór Melslandi“. „Heyr á endemi!“ sagði Egill; „eigi er þá fèit jafnmikit, sem ek hugða; eða hversu má þetta vera?“ Úfeigr svarar: „Eigi er þat; allmikit er fèit; en þess væntir mik, at þessu næst munir þú hljóta. Hafi þér eigi svá talat, at þér skyldut hafa hálfst fè Odds, en fjórðungsmenn hálfst? þá telst mér þanneg til, ef þér erut átta bandamenn, at þér munit hafa hálfst Melsland; því at svá munu þér til ælla, ok svá mælt hafa, þó at þér hafit þetta með fádœmum upp tekit meirum, en menn viti dœmi til, þá munu þér þessi atkvæði haft hafa. Eða var yðr nökkur ván á því, at Oddr, son minn, mundi sitja kyrr fyrir geisan² yðvarri, er þér ríðit norðr þangat? „Nei“, sagði hann, Úfeigr; „eigi verðr yðr hann Oddr ráðlauss fyrir; ok svá mikla gnótt sem hann hefir til fjár, þá hefir hann þó eigi minni gæfu til vitsmunanna ok til ráðagörða, þegar hann þykkist þess við þurfa; ok þat grunar mik, at eigi skríði³ at síðr knörrinn undir hánum um Íslandshaf, þó at þér kallit hann

¹⁾ Getgáta, samkvæmt því sem öll pappírshandritin hafa, ístaðinn fyrir mætt, sem skinnbókin hefur, en sem virðist að vera hjer þýðingarleust, og við það yrði líka vísuorðið einu atkvæði of stutt.

²⁾ Þannig ritað í skinnbókinni; en menn hefðu búlt við geysan (af gaus, þál. tíð af sjósa); en þar eð skinnbókin aðgreinir nákvæmlega i, í og y, ý, þá vekur rithátturinn grun um, að þetta orð sje ekki leitt af gaus, heldur sje það runnið af annari rót.

³⁾ Misritað skríði; í skinnbókinni.

sekjan. En þat má eigi sekt heita, er svá er rangliga upp tekit; ok mun á þá falla, er með fara; ok þess væntir mik, at hann muni nú í hafi með allt sitt, nema landit á Mel; þat ætlar hann yðr. Frètt hafði hann þat, at eigi var löng sjáfargata til Borgar, ef hann kæmi á Borgarfjörð. Nú mun þetta svá setjast, sem upp var hafit, at þær munut fá af skömm ok svívirðing, ok gengr þó at makligleikum, ok þar með hvers manns ámæli¹. Þá sagði Egill: „Þetta mun vera dagsanna, ok eru nú brögð í málinu. Var þat miklu líkara, at Oddr mundi eigi sitja ráðlauss fyrir, ok mun ek eigi at þessu telja; því at eru þeir sumir í málinu, er ek¹ ann vel svívirðingar af, ok mest æsa málit, svá sem er Styrmir, eða Þórarinn ok Hermundur². Úfeigr mælti: „Þat mun fara sem betra er ok makligt², at þeir munu fá margs manns ámæli af þessu; en þat þykki mér illa, er þú hefir eigi góðan hlut af; því at þú fellst mér vel í geð, ok bezt af yðr bandamönnum³. Lætr hann nú síga fésjóð einn digran niðr undan kápunni. Egill brá til augum. Úfeigr finnr þat, kippir upp sem skjótast undir kápuna, ok mælti: „Á þá leið er, Egill!“ segir hann, „at³ mik væntir, at því nærr skal fara, sem ek hefi sagt þær. Nú mun ek göra þær sœmd nökkura³; vindr nú upp sjóðnum, ok steypir ór silfrinu í skikkjuskaut Egils. Þat váru tvau hundruð silfrs, þess er bezt kunni verða. „Þetta skaltu þiggja af mér, ef þú gengr eigi í móti málinu; ok er þetta nökkurr sœmdarhlutr³. Egill svarar: „Þat ætla ek, at þú sèr eigi meðal-

¹) ek er sleppt í skinnbókinni, en því er bætt hjer við sem nauðsynlegum viðbætti, samkvæmt öllum hinum handritunum.

²) Leifdjetting samkvæmt 165 L staðinn fyrir: Þ mun para fē bet^r e⁷, en Þ mun para fē makligt e⁷, eins og skinnbókin hefur það; 554 aß og 4. add.: þat mun fara sem makligt er ok betr.

³) at er í aðgáningsleysi ritað tvisvar í skinnbókinni.

karl vándr. Er þér engi þess ván, at ek¹ muna vilja rjúfa söri mín". Úfeigr segir: „Eigi eru þér þó slíkir, sem þér þykkist; vilit heita höfðingjar, en kunnit yðr engan fögnuð, þegar þér komit í nökkurn vanda. Nú skaltu eigi svá með fara, heldr mun ek hitta þat ráð, at þú munt halda söri þín". „Hvert er þat?" sagði Egill. Úfeigr mælti: „Hafi þér eigi svá mælt, at þér skyldut hafa sektir eða sjálfðæmi?" Egill kvað svá vera. „Þat kann vera", sagði² Úfeigr, „at oss, frændum Odds, sè þess unnt, at kjósa, hvárt vera skal. Nú mætti svá til bera, at undir þik kæmi gördin; vil ek þá, at þú stillir henni". Egill svarar: „Salt segir þú, ok ertu slægr karl ok vitr; en þó verð³ ek eigi til þess búinn, ok hvárki hefi ek til mátt nè liðsafla, at standa einn í mót þessum höfðingjum öllum; því at fjandskapr mun fyrir koma, ef nökkurr ríss við". Úfeigr mælti: „Hversu mun, ef annarr kemr í málit með þér?" „Þá mun nærr fara", sagði Egill. Úfeigr mælti: „Hvern viltu helzt til kjósa af bandamönnum? Láttu svá, sem ek eiga á öllum vól". „Tveir eru til", sagði Egill; „Hermundr er mér næstr, ok er illa með okkr; en annarr er Gellir; ok hann mun ek til kjósa". „Þat er mikit til at vinna", segir Úfeigr; „því at öllum ynna ek illis hlutar at þessu máli, nema þér einum; en hafa mun hann vit til þess, at sjá, hvárt betra er af at kjósa: at hafa fè ok sœmd, eða missa fjár ok taka við úvirðing. Eða viltu nú ganga í málit, ef undir þik kemr, til þess at minnka gördina?" „Þat ætla ek víst", sagði Egill. „Þá skal þetta vera fast með okkr", sagði Úfeigr; „því at ek mun koma hegat til þín af annarri stundu.

1) Leiðrjetting fyrir en, sem stendur í skinnbókinni.

2) Orðinu sagði er sleppt í skinnbókinni, en því er bætt hér við sem nauðsynlegu eptir 165 L; hin handritin hafa að eins s.

3) í skinnbókinni ritað v⁷ð².

¹Nú ferr Úfeigr í brott, ok skilja þeir Egill; reikar Úfeigr nú milli búðanna, ok er allhældreginn; er þó eigi svá dapr með sjálfum sér, sem hann er hrumr at fótunum, ok eigi svá laustœkr í málunum, sem hann er lasmeyrr í göngunni. Um síðir kemr hann til búðar Gellis Þórðarsonar, ok lætr hann út kalla. Hann kemr út ok heilsar fyrr Úfeigi — því at hann var lítillátr, — ok spyrr, hvert erendi hans er. Úfeigr svarar: „Hingat varð mēr nú reikat“. Gellir mælti: „Þú munt vilja tala um mál Odds“. Úfeigr svarar: „Ekki vil ek þar um tala, ok segi ek mēr þat afhent, ok mun ek fá mēr aðra skemmtan“. Gellir mælti: „Hvat viltu þá tala?“ Úfeigr mælti: „Þat er mēr sagt, at þú sér vitr maðr; en mēr er þat gaman, at tala við² vitra menn“. Þá settust þeir niðr, ok taka tal sín í millum. Þá spyrr Úfeigr: „Hvat er ungra manna vestr þar í sveitum, þat er þér þykki líkligt til mikilla höfðingja?“ Gellir sagði, at góð völ váru þar á því, ok nefnir til sonu Snorra goða ok Eyrarmenn. „Svá er mēr sagt“, kvað Úfeigr, „at vera muni; enda er ek nú vel til fréttar kominn, er ek tala við þann manninn, er bæði er sannorðr ok gegn. Eða hvat er kvenna þeirra vestr þar, er beztir kostir eru?“ Hann nefnir til dótr Snorra goða ok dótr Steindórs á Eyri. „Svá er mēr sagt“, kvað Úfeigr; „eða hversu er? áttu eigi dótr nökkurar?“ Gellir kvaðst eiga víst. „Hví nefnir þú eigi þær?“ sagði Úfeigr. „Engar munu fríðari, en þínar dótr, ef at líkendum skal ráða; eða eru þær eigi giptar?“ „Eigi“, sagði hann. „Hví sætir þat?“ sagði Úfeigr. Gellir segir: „Því at eigi hafa þeir til boðizt, at bæði sè stórauðgir ok hafi staðfestur

1) Skinnb. hefur hjer fyrirsögn: af .o. [eß P; síðasta orðið er vafalaust misritað, og á að líkindum að vera Skíðasyni (= af Ófeigi Skíðasyni).

2) Orðinu við er sleppt í skinnbókinni; en með því málsgreinin heimtar það, er því bætt við samkvæmt hinum handritunum.

góðar, kynríkir ok vel mannaðir sjálfir, en ek er þó ekki færik¹, en þó mun ek mannvandr sakir kynferðis ok virðingar. En skal nú eigi spyrjast láta alls? Hvat er þeirra manna norðr þar, er vænir sè til höfðingja?" Úfeigr svarar: „Þar er gott mannval; tel ek þar fyrstan Einar, son Járnskeggja², ok Hall Styrmisson; mæla þat ok sumir menn, at Oddr son minn sè mannvænigr maðr; enda skal nú koma at³ orðum þeim, er hann bauð mèr, at hann vildi mægjast við þik, ok fá dóttur þinnar, þeirrar er Ragnheiðr⁴ heitir". „Já", sagði hann Gellir; „var þat, er því mundi vel svarat; en at svá búnu get ek, at þat frestist". „Hvat kemr til þess?" sagði Úfeigr. Gellir mælti: „Dimmu þykkir á draga ráðit Odds, sonar þíns, at svá búnu". Úfeigr svarar: „Ek segi þèr með sönnu, at aldri giptir þú hana betr, en svá; því at einmælt mun þat, at hann sè mennt sem sá, er bezt er; enda skortir hann eigi fè nè ætt góða, en þú ert mjök fèþurfi, ok mætti svá verða, at þèr yrði styrkr at hánun; því at maðrinn er stórlyndr við vini sína". Gellir segir: „Á þetta mundi litid, ef eigi stæði málaferli þessi yfir." Úfeigr svarar: „Gettu eigi vafurleysu þeirrar, er engis er verð, en þeim úsómi í ok öll fólkska, er með fara". Gellir svarar: „Eigi er þat þó minni ván, er at öðru gefist, ok vil ek eigi þessu játa; en ef þetta mætti leysast, þá vilda ek þat gjarna". Úfeigr svarar: „Þat kaun vera, Gellir! at þèr takit hèr allir fullsælu upp; en þó má ek segja þèr, hverr þinn hlutr mun af verða;

1) Í skinnbókinni stendur einungis f e, en með því e stendur síðast á síðari dálki á blaðsíðu í hægri hendi, þá hefur ritarinn gleymt síðara hluta orðsins, þegar hann flétt við. færik er tekið eptir 163 o, 165 L og 554 a β. 455 og 4. add. hafa fæsterkr; 140 og 493: fémikill.

2) Misritað í skinnbókinni: jarfkeggja.

3) at er er sleppt í skinnbókinni og 455, — það er tekið eptir 165 L. 163 o hefur í; 554 a β og 4. add. hafa þar við.

4) Í skinnbókinni ritað ragneiðr.

því at þat veit ek görla, ok mun þat at bezta¹ kosti, at þær átta bandamenn hljótið hálft Melsland. Verðr þá þó eigi góðr þinn hluti: fær lítið af fœnu, en hefir látið dádina ok drengskapinn, at þú vart áðr kallaðr einnhverr beztr drengr á landinu². Gellir spurði, hví svá mætti verða. Úfeigr svarar: „Þat þykki mærlíkast³, at Oddr sè nú í hafi með allt sitt, nema landit á Mel. Eigi var yðr þess ván, at hann mundi ráðlauss³ fyrir, ok láta yðr kjósa ok deila yðvar í millum. Nei⁴, sagði hann Úfeigr, „heldr mælti hann hitt, ef hann kæmi á Breiðafjörð, at hann mundi finna bæ þinn, ok mætti þá kjósa sèr kvánföng ór þínum garði, en sagðist hafa nóg eldsvirki til at brenna bæ þinn, ef hann vildi. Svá ok, ef hann kæmi á Borgarfjörð, þá hafði hann frètt, at eigi var löng sjáfargata til Borgar. Gat hann ok, ef hann kæmi á Eyjafjörð, at hann mundi finna bæ Járnскеggja; slíkt hit sama ef hann kæmi í Austfjörðu, at hann mundi hitta byggð Skeggbrodda. Nú liggr hánun ekki á, þó at hann komi aldri til Íslands, en þær munut hafa af þessu makligan hlut, en þat er skömm ok svívirðing. Nú þykki mærl þat illt, svá góðr höfðingi sem þú hefir verit, er þú hefir svá þungan hlut af, ok sperða ek þik til þess⁵. Gellir svarar: „Þetta mun vera satt, ok tel ek lítt at, þó at nökkut undanbragð verði um fjárupptakit; lét ek þetta leiðast eptir vinum mínum, meirr en mærl væri þetta svá staðfast í skapi⁶. Úfeigr mælti: „Svá mun þær lítast, þegar eigi er of mikit ras á þær, at sá sè hlutinn virðuligri, at gipta Oddi, syni mínum, dóttur þína, sem ek sagða í fyrstu. Sè hær fèit, er hann sendi þær, ok kvaðst sjálfr

1) Í skinnbókinni ritað bazta.

2) Leiðrjetting tekin eptir hinum handritunum fyrir líka, sem stendur í skinnbókinni.

3) Í skinnbókinni stendur rað raðlaus.

4) Í skinnbókinni að eins ritað ne.

mundu hana heiman göra; því at hann vissi vanefni þín, ok eru þetta tvau hundruð silfrs, þess er varla fær slíkt. Hyggðu nú at, hverr þér býðr slíkan kost, at gipta slíkum manni dóttur þína, ok göri hann hana sjálfr heiman, ok þat líkast, at aldri sè forverkum gört við þik, en dóttir þín falli í fullsælu". Gellir svarar: „Mikit er þetta, svá at þat er torvirt; en þat vinn ek til engis, at svíkja þá, er mèr trúa; en sè ek, at ekki fæst af málinu, nema hróp ok háðung". Þá svarar Úfeigr: „Furðu hoskir¹ eru þér höfðingjarnir. Hverr fýsti þik, at þú skyldir svíkja þá, er þér trúðu, eða ganga á eiða þína? Hitt má vera, at svá beri til, at undir þik kæmi görðin, ok megir þú þá minnka, ok heldr þú þó særi þín". Gellir sagði: „Satt er þetta, ok ertu mikill bragðakarl ok furðu slægr; en þó má ek eigi einn ganga í fang þessum öllum". Úfeigr mælti: „Hversu mun þá, ef ek fæ til annan? viltu þá við hjálpa málinu?" „Pat vil ek", kvað Gellir, „ef þú kemr því við, at ek skyla² um mæla". Úfeigr mælti: „Hvern kýsstu til með þér?" Gellir svarar: „Egil mun ek kjósa; hann er mèr næstr". Úfeigr svarar: „Heyr á endemi! kýss þann, sem vestr er af yðru liði, ok þykki mèr mikit fyrir, at fá hánun sœmdarhlut; ok veit ek eigi, hvárt ek vil þat til vinna". „Þú ræðr nú", kvað Gellir. Úfeigr mælti: „Viltu þá í ganga málit, ef ek kem hánun til með þér; því at sjá mun hann kunna, hvárt betra er, at hafa nökkura sœmd eða enga". „Svá mikit sem mèr kaupist í", sagði Gellir, „þá ætla ek, at ek muna til hætta". Þá mælti Úfeigr: „Um höfu vit Egill talat áðr, ok sýnist hánun eigi torveldligt málit; ok er hann í kominn. Nú

¹) Svona öll pappirshandritin og eptir þeim er það tekið, istaðinn fyrir herkir í skinnbókinni. — ²) Sb. bls. 21¹⁸.

mun ek gefa ráð til, hversu¹ með skal fara. Flokkar yðrir bandamanna eru mjök allir saman í göngu. Nú mun þat engi maðr gruna, þó at þit Egill talizt við, þá er þit gangit til aptansöngs, slíkt² er ykkir líkar". Gellir tekr við fenu, ok er þetta ráðit nú með þeim. Síðan ferr Úfeigr nú í brott, ok til búðar Egils, ok hvárki seint nè krókótt ok eigi bjúgr; segir nú Egli, hvar komit er. Líkar hánunum nú vel. Eptir um kveldit ganga menn til aptansöngs, ok talast þeir, Egill ok Gellir, við, ok semja þetta í milli sín. Grunar þetta engi maðr.

³Nú er frá því sagt, at annan dag eptir ganga menn til lögbergs, ok var fjölmennt. Þeir, Egill ok Gellir, safna at sér vinum sínum. Úfeigr safnaði ok með þeim, Styrmi ok Þórarni. Ok er menn váru komnir til lögbergs, þeir sem þagat var ván, þá kvaddi Úfeigr sér hljóðs ok mælti: „Ek hefi verit úhlutdeilinn um mál Odds, sonar míns, hær til, en þó veit ek, at nú eru þeir menn hær, at mest hafa gengit at þessu máli; vil ek fyrst kveðja at þessu máli Hermund, þó at þetta hafi með meirum fádæmum upp hafit verit⁴ en menn⁵ viti dæmi til, ok svá fram farit, ok eigi úlíkligt, at með því endist. Nú vil ek þess spyrja, hvárt nökkur sætt skal koma fyrir málit". Hermundr svarar: „Ekki viljum⁶ vèr taka, utan sjálfðæmi". Úfeigr mælti: „Til þess munu menn trautt vita dæmi, at einn maðr hafi selt átta mönnum sjálfðæmi á einu máli; en til þess eru dæmi, at einn maðr seli einum manni. Alls þó hefir þetta

1) Í skinnbókinni misritað þveru.

2) Leiddrjetting samkvæmt hinum handritunum fyrir flik, sem stendur í skinnbókinni.

3) Skinnb. hefur hjer fyrirsögn af flægdum opeigf.

4) Orðinu verit er sleppt í skinnbókinni, en því er bætt við samkvæmt 455, 554 a β og 4. add.

5) *mā* er tvíritað í skinnbókinni.

6) Sb. bls. 151³, 20², 33³.

með meirum fádæmum gengit, heldr en hvert annarra, þá vil ek bjóða, at tveir göri af yðrum flokki". Hermundr svarar: „Því viljum vèr víst játa, ok hirðum eigi, hverir tveir göra". „Þá munu þèr unna mèr þess", sagði Úfeigr, „at ek hafa þá vegtyllu, at ek kjósa af yðr bandamönnum þá tvá, er ek vil". „Já, já", sagði Hermundr. Þá mælti Þórarinn: „Já þú nú því einu í dag, er þú iðrast eigi á morgin". „Eigi skal nú aptr mæla", sagði Hermundr. Nú leitar Úfeigr borgunarmanna, ok varð þat auðvelt; því at fjárstaðr þótti víss. Nú takast menn í hendr, ok handsala þeir fègjöld slík, sem þeir vilja gört hafa, er Úfeigr nefnir til; en bandamenn handsala niðrfall at¹ sökum. Nú er svá ætlat, at bandamenn skulu ganga upp á völlu með flokka sína. Flokkar þeirra, Gellis ok Egils, ganga báðir saman, setjast niðr í einn stað í hvirfing; en Úfeigr gengr í hringinn, litast um ok lyptir kápuhettinum, strýkr handleggina, ok stendr heldr keikari; hann titrar augunum, ok talaði síðan: „Þar sitr þú, Styrmir! ok mun mönnum þat undarligt þykkja, ef ek læt þik eigi koma í þat mál, er mik tekr henda; því at ek er í þingi með þèr, ok á ek þar til trausts at sjá, er þú ert, ok þú hefir margar góðar gjafar af mèr þegit, ok allar illu launat; hyggst mèr svá at, sem þú hafir um þenna hlut fyrstr manna fjandskap sýnt Oddi, syni mínum, ok valdit mest, er málit var upp tekit, ok vil ek þik frá taka. Þar sitr þú, Þórarinn!" sagði Úfeigr, „ok er víst, at eigi mun þat² hèr til bera, at eigi hafir þú vit til, at dæma um þetta mál; en þó hefir þú Oddi til úþurftar lagt í þessi grein, ok fyrstr manna með Styrmí tekit undir þetta mál; ok vil ek þik fyrir því

1) Þannig skinnbókin, 140, 455 og 493; hín handritin hafa á.

2) Skinnbókin hefur $\frac{1}{e}$ (=eigi) líka á epúr þat, og hefur ritarinn að líkindum haft aðra setningu í huganum.

frá kjósa. Par sitr þú, Hermundr! mikill höfðingi, ok þat ætla ek, at þá mundi vel komit, þó at undir þik væri vikit málinu; en þó hefir engi maðr verit jafnæstr, síðan þetta hófst, ok þat lýst, at þú vildir úsómann lýsa¹! Hefir þik ok ekki til dregit, nema úsómi ok ágirni; því at þik skortir eigi fè, ok kýs ek þik frá. Par sitr þú, Járnskeggi! ok skortir þik eigi metnað til, at göra um málit, ok eigi mundi þèr illa þykkja, þó at undir þik kæmi þetta mál. Ok svá var metnaðr þinn mikill, at þú lèzt bera merki fyrir þèr á Vöðlaþingi, sem fyrir konungum, en þó skaltu eigi konungr yfir þessu máli vera, ok kýs ek þik frá". Nú litast Úfeigr um ok mælti: „Par sitr þú, Skeggbroddi! En hvárt er þat satt, at Haraldr konungr Sigurðarson mælti þat, þá er þú vart með hánum, at hánum þættir þú bezt til konungs fallinn þeirra manna, er út hèr eru?" Broddi svaraði: „Opt talaði konungr vel til mín, en eigi er þat ráðit, at hánum þætti allt, sem hann talaði". Þá mælti Úfeigr: „Yfir öðru skaltu konungr, en þessu máli, ok kýs ek þik frá. Par sitr þú, Gellir!" sagði Úfeigr, „ok hefir þik nè ekki² dregit til þessa máls, nema einsaman fègirni; ok er þat þó nökkur várkunn, er þú ert fèvani, en hefir mikit at ráði; nú veit ek eigi, þó at mèr þykki allir ills af verðir, nema nökkurr verði virðing af at hafa þessu máli; því at nú eru fáir eptir, en ek nenni eigi at kjósa þá til, er áðr hefi ek frá vísat; ok því kýs ek þik til, at þú hefir ekki áðr at ranglæti kenndr verit. Par sitr þú,

1) Þannig skinnbókin, 165 L og 455. Ritarar hinna handritanna hafa ekki skilið þetta orðatiltæki, og hafa því afbakað það á ýmsa vega.

2) Getgáta; það litur svo út, sem sá, er ritað hefur skinnbókina, hafi ætlað að skrifa nè ekki i einu orði, en við það hefur misritast, svo að það verður necki, og þó svo, að síðari leggurinn af n er niðri í e. Hin handritin hafa að eins ekki.

Þorgeirr Halldóruson!" segir Úfeigr, „ok er þat sýnt, at þat mál hefir aldregi komit undir þik, er málskipti¹ liggja við; því at þú kannt eigi mál at meta, ok hefir eigi vit til, heldr en uxi eða asni, ok kýs ek þik frá." Þá litast Úfeigr um, ok varð staka á munni:

Illt er ýtum
elli at bíða;
tekr hún seggjum frá
sýn ok vizku.
Átta ek næsta völ
nýtra drengja;
nú er úlfshali
einn á króki;

„ok hefir mēr farit, sem varginum; þeir etast² þar til, er at halanum kemr, ok finna eigi fyrr. Ek hefi átt at velja um marga höfðingja, en nú er sá einn eptir, er öllum mun þykkja ills at ván, ok sannr er at því, at meiri er újafnaðarmadr, en hvern annarra, ok eigi hirðir³, hvat til fjárins vinnr, ef hann fær þá, heldr en áðr, ok er hán um þat várkunn, þó hann hafi hær eigi verit hlutvandr um, er sá hefir margr í vafizt, er áðr var rættlátr kallaðr, ok lagt niðr dádina ok drengskapinn, en tekit upp ranglæti ok ágirni. Nú mun engum þat í hug koma, at ek muna þann til kjósa, er öllum er ills at ván; því at eigi mun annarr hittast slægri í yðru liði; en þó mun þar nú niðr koma, er þó eru allir aðrir frá kjörnir". Egill mælti ok brosti við: „Nú mun enn sem optarr, at eigi mun virðing fyrir

1) Þannig skinnbókin; hin handritin hafa málaskipti.

2) Þannig skinnbókin, 165 L, og 455; 554 aβ og 4. add. hafa: eta; 140 og 493: hafa etizt og 163 o hefur: etjast.

3) Skinnbókin hefur $\frac{1}{6}$ (=eigi) líka á eptir hirðir, en því er sleppt hjer, en hinu fyrra haldið, samkvæmt 140, 455, 493 og 4. add. 163 o, 165 L og 554 =β sleppa aptur á móti fyrra eigi, en sleppa hinu síðara.

því hér niðr koma, at aðrir vildi þat, ok er þat til, Gellir! at vit standim upp ok gangim í brott, ok talim með okkr málit¹. Þeir göra nú svá, ganga í brott þaðan, ok setjast niðr. Þá mælti Gellir: „Hvat skulu vit hér um tala?“ Egill mælti: „Þat er mitt ráð, at göra litla fèsekt, ok veit ek eigi, hvat til annars kemr, er þó munu vit litla vinsæld af hljóta“. „Mun eigi fullmikit, þó at vit görim þrettán aura úvandaðs fjár?“ sagði Gellir; „því at málaefni eru með miklum rangendum upp tekin; ok er því betr, er þeir una verr við; en ekki em ek fúss at segja upp gördina; því at mik væntir þess, at illa muni¹ hugna“. „Gör, hvárt er þú vill“, sagði Egill; „seg upp sættina, eða sit fyrir svörum“. „Þat kys ek“, sagði Gellir, „at segja upp“. Nú ganga þeir á fund bandamanna. Þá mælti Hermundr: „Stöndum upp ok heyrum á úsómann!“ Þá mælti Gellir: „Ekki munu vit síðarr vitrari, ok mun allt til eins koma, ok er þat görð okkur Egils, at göra oss til handa, bandamönnum, þrettán aura silfrs“. Þá segir Hermundr: „Hvárt skildist mèt rætt? sagðir þú þrettán tigi aura silfrs? Egill svarar: „Eigi var þat, Hermundr! er² þú sætir nú á hlustinni, er þú stótt upp? Vist þrettán aura, ok þess fjár, er engum sè viðtækt úveslum; skal þetta gjaldast í skjaldaskriflum³ ok haugabrotum, ok í öllu því úrífligast fæst til, ok þær unit vest við“. Þá mælti Hermundr: „Svikit hefir þú oss nú, Egill!“ „Er svá?“ segir Egill; „þykkist þú svikinn?“ „Svikinn þykkjumst ek, ok hefir þú svikit mik“. Egill svarar: „Þat þykki mèt vel, at ek svíkja þann, er engum trúir, ok eigi heldr sjálfum sèr, ok má ek finna

1) Leiðrjetting fyrir muna í skinnbókinni, og hefur að líkindum ■ í endanum á undarfarandi orði ollað því, að misritast hefur.

2) Þannig skinnbókin; 140, 165 L og 493 hafa at.

3) Tekið eptir pappirshandritunum, sem hafa það svona öll ■ staðinn fyrir skjalld-afskriflu, sem skinnbókin hefur.

sönnur á mínu máli um þetta. Þú falt fè þitt í svá mikilli þoku, at þú ætlaðir, þó at þèr skyti því í hug, at leita þess, at þú skyldir aldri finna". Hermundr svarar: „Þetta er sem annat, þat er þú lýgr, Egill! þat þú sagðir á vetri, er þú komt heim ofan þaðan, er ek hafða boðit þèr heim ór hrakbúinu um jól, ok vartu því feginn, sem ván var at; en er úti váru jólin, þá úgladdist þú, sem ván var, ok hugðir illt til, at fara heim í sultinn; en er ek fann þat, þá bauð ek þèr at vera þar¹ með annan mann, ok þáttu þat, ok vart feginn. En um várit eptir páska, er þú komt heim til Borgar, sagðir þú, er² dáit hefði fyrir mèr þrír tygir klaka-hrossa, ok hefði öll etin veril". Egill svarar: „Ekki ætla ek, at ofsögur³ mætti segja frá vanhöldum þínum; en annathvært ætla ek, at etin væri af þeim fá eða engi; en víta þat allir menn, at mik ok fólkk mitt skortir aldri mat, þó at misjafnt sè fjárhagr minn hægr; en þau ein eru kynni heima at þín, er þú þarft ekki at taka til orðs á". „Þat munda ek vilja", segir Hermundr, „at vit værim eigi báðir á þingi annat sumar". „Nú mun ek þat mæla", segir Egill, „er ek hugða at ek munda aldri tala, at þú lúk heill munni í sundr; því at þat var mèr spáð, at ek munda ellidauðr verða, en mèr þykkir því betr, er fyrr taka tröll við þèr". Þá mælti Styrmir: „Sá segir sannast frá þèr, Egill! er vest segir, ok þik kallar prettóttan". „Nú ferr vel at", sagði Egill; „þess betr þykki mèr, er þú lastar mik meirr, ok þú finnr fleiri sönnur á því⁴, af því, at mèr var þat sagt, at þèr höfðut þat fyrir ölteiti, at þèr tókut yðr jafnaðarmenn, ok tóktu mik til jafnaðarmanns þèr. Nú er

1) 163 o, 455, 554 a β, 568 og 4. add. bæta við: um vetrinn.

2) Pannig skinnbókin; 165 L, 455, 554 a β, 568 og 4. add. hafa: at.

3) Pannig skinnbókin; 163 o, 165 L, 455, 554 a β, 568 og 4. add. hafa ofsögum, og það er líka vanalegra.

4) Skinnbókin bætir hjer við ok, en sem virðist að vera hjer þýðingarlaust.

þat víst", sagði hann, „at þú hefir nökkur stórkloeki með þér, þau er eigi vita aðrir menn, ok mun þér kunnigast um þinn hag. En þó er þat úlíkt með okkr: hvárrtveggi heitr öðrum liði, ok veiti ek þat, er ek má, ok spari ek ekki af, en þú rennr¹, þegar svartleggjur koma á lopt. Þat er ok satt, at ek á jafnan úhægt í búi, ok spari ek við engan mann mat, en þú ert matsínkr, ok er þat til marks, at þú átt holla þann, er Matsæll heitir, ok kemr engi sá til garðs, at viti, hvat í er, nema þú einn. Nú samir mēr, at hjón mín hafi þá hart, er eigi er til, en þeim samir verr at svelta hjón sín, er ekki skortir; ok hygg þú at, hverr sá er". Nú þagnar Styrmir. Þá stendr upp Þórarinn. Þá mælti Egill: „Þegi þú, Þórarinn! ok sezt niðr, ok legg eigi orð til; þeim briggjum mun ek þér bregða, er þér mun betra þagat. En ekki þykki mér þat hlægiligt², þó at þeir sveinar hlæi at því, at þú sitir mjótt ok gnúir saman lærum þínum". Þórarinn svarar: „Hafa skal heil ráð, hvaðan sem koma"; sezt niðr ok þagnar. Þá mælti Þorgeirr: „Þat mega allir sjá, at görd þessi er úmerkilig ok heimsklig, at göra þrettán aura silfrs³, ok eigi meira, fyrir svá mikit mál". „En ek hugða", segir Egill, „at þér skyldi sjá görd þykkja merkilig, ok svá mun vera, ef þú hyggir at fyrir þér; því at þat muntu muna á Rangárléið, at einn kotkarl markaði þrettán kúlur í höfði þér, ok tóktu þar fyrir þrettán lambær, ok ætlaða ek, at þér skyldi þessi minning allgóð þykkja". Þorgeirr þagnaði; en þeir, Skeggbroddi ok Járnskeggi, vildu engum orðum skipta við Egil. Þá mælti Úfeigr: „Nú vil ek kveða

1) Í skinnbókinni stendr renr ren. Jafnvel þótt myndin renn komi þrásækilega fyrir í eldri ritum, þá er þó rennr bæði vanalegast og reglulegast.

2) Leiðrjetting samkvæmt pappirshandritunum fyrir hlægiligt, sem skinnbókinn hefur.

3) Misritað í skinnbókinni silfr.

yör vísu eina, ok hafa þá fleiri at minnum þing þetta ok málalok þessi, er hær eru orðin.

Flestr mun (áms ok austra
ek vátta þat sáttar)
málma runnr um minna
(mik gælir þat) hœlast.
Gat ek höfðingjum hringa
hattar land, en sandi
æst í augun kastað,
úríkr vafit slíkur.

Egill svarar: „Vel máttu hœlast um þat, at engi einn maðr mun meirr hafa siglt á veðr jafnmörgum höfðingjum”. Nú eptir þetta ganga menn heim til búða sinna. Þá mælti Gellir til Egils: „Þat vil ek, at vit sëm báðir saman við okkrum mönnum”. Þeir göra nú svá. Nú eru dylgjur miklar, þat er eptir var þingsins, ok una bandamenn allilla við þessi málalok. En fê þetta vill engi hafa, ok rekst þat þar um völlum. Ríða menn nú heim af þinginu.

¹ Nú finnast þeir feðgar, ok var Oddr þá albúinn til hafs. Þá segir Úfeigr Oddi, at hann hefir selt þeim sjálfðæmi. Oddr svarar: „Skilstu manna armastr við mál”! Úfeigr segir: „Eigi er enn öllu skemmt, frændi!” Innir nú allan mála-vöxt, ok segir, at hánur er konu heitið. Þá þakkar hann hánur liðveizluna, ok þykkir hann langt hafa fylgt um fram þat, er hánur kom í hug at vera mætti; ok segir nú, at hann skal aldri skorta fê. „Nú skaltu fara”, sagði Úfeigr, „sem þú hefir ætlat, en brullaup þitt skal vera á Mel, at sex vikum”. Eptir þat skilja þeir feðgar með kærleikum, ok lætr Oddr út, ok gefr hánur byr norðr á Þorgeirsfjörð, ok liggja þar kaupmenn fyrir áðr. Nú tók af byr, ok

¹) Skinnbókin hefur hjer fyrirsögn: af eðð of eigr. f. (f og e er hvort níðri i öðru.

liggja þeir þar nökkurar nætr. Oddi þykkir seint byrja, ok gengr upp á eitt hátt fjall, ok sèr, at annat veðrfall er fyrir utan; ferr aptr til knarrarins, ok bað þá flytjast út ór firðinum. Austmenn spotta þá, ok kváðu seint mundu¹, at róa til Noregs. Oddr segir: „Hvat megi til vita², nema þér bíðit vár hér“. Ok er þeir koma út ór firðinum, þá er þegar byrr hagstæðr; leggja þeir eigi segl, fyrr en í Orkneyjum. Oddr kaupir þar malt ok korn, dvelst þar nökkura hríð, ok býr skip sitt. Ok þegar hann er búinn, þá koma austanveðr, ok sigla þeir; gefr þeim allvel, ok koma á Þorgeirsfjörð, og váru kaupmenn þar fyrir. Siglir Oddr vestr fyrir landit ok kemr á Miðfjörð; hafði hann þá í brott verit sjau vikur. Er nú búizt til veizlu, ok skortir eigi góð tilföng og gnóg. Þar kemr ok mikit fjölmenni. Þar kom Gellir ok Egill, ok mart annat stórmenni. Ferr veizlan vel fram ok sköruliga; þóttust menn eigi betra brullaup þegit hafa hér á landi. Ok er veizluna þraut, þá eru menn út leiddir með stórgjöfum, ok var þar mest fè fram lagit, er Gellir átti í hlut. Þá mælti Gellir við Odd: „Þat vilda ek, at við Egil væri vel gört; því at hann er þess makligr“. „Svá þykki mér“, sagði Oddr, „sem faðir minn hafi gört vel við hann áðr“. „Bættu þó um“, segir Gellir. Ríðr Gellir nú í brott, ok hans fólk. Egill ríðr í brott, ok leiðir Oddr hann á götu, ok þakkar hánun liðveizlu, „ok mun ek eigi svá vel göra til þín, sem vera ætti; en reka lèt ek í gær³, suðr til Borgar, sex tygi geldinga ok yxn tvau; mun þat heima þín bíða, ok skal aldri forverkum

¹) 455, 554 aß, 563 og 4. add. bæta við veita.

²) Þannig skinnbókin, 455, 563 og 4. add.; 163 o hefur: Hvat megi þér til vita; 165 L: Hverr veit, og 554 aß: Hvat má vita; og kemur það af því, að ritararnir ekki hafa skilið, að megi, 3. pers. núl. tíma í samtengingarhætti, gæti verið rjett; en þess konar setningar koma þó fyrir, einkum í skáldskap.

³) Í skinnbókinni ritað gær.

við þik göra, meðan vit lifum báðir". Nú skiljast þeir, ok líkar Egli stórvel, ok binda sitt vinfengi; ferr Egill heim til Borgar.

¹Þetta haust hit sama, safnar Hermundr liði, ok ferr út til Hvammsleiðar, ok ætlar til Borgar, at brenna Egil inni. Ok er þeir koma út með Valfelli, þá heyra þeir, sem strengr gjalli upp í fellit, ok því næst kennir Hermundr sèr sóttar ok stinga undir höndina, ok verða þeir at víkja aptr ferðinni, ok elnar hánun² sóttin. Ok er þeir koma fyrir Þorgautstaði, þá verður at hefja hann af baki; er þá farit eptir presti í Síðumúla. Ok er hann kemr, þá mátti Hermundr ekki mæla, ok var prestr þar hjá hánun. Ok einn tíma, er prestr lýtr at hánun, þá lætr í vörrunum: „Tvau hundruð í gili, tvau hundruð í gili", ok síðan andast hann, ok lauk svá hans æfi, sem hær er nú sagt. Oddr sitr nú í búi sínu með mikilli rausn, ok unir vel konu sinni. Alla þessa stund spyrst ekki til Úspaks. Sá maðr fékk Svölu, er Már³ hèt, ok var Hildisson, ok ræðst til bús á Svölustaði. Bjálfi hèt bróðir hans, hálfafglapi⁴, ok rammr at afli. Berghórr hèt maðr, er bjó í Böðvarshólum. Hann hafði reift málit, þá er Úspakr var sekr görr. Svá bar til eitt kveld í Böðvarshólum, þá er menn sátu við elda, at þar kom maðr ok drap á dyrr, ok bað bónda út ganga. Bóndi verður þess varr, at Úspakr er þar kominn, ok

¹) Skinnbókin hefur hjer fyrirsögn: ðaupi hermundar.

²) Gelgáta, og svo hafa hin handritin það; skinnbókin hefur \bar{h} , en úr því verður ekki lesið annað en hann, eptir því sem skinnbókin hefur það á öðrum stöðum, og verður því að vera ritvilla fyrir \bar{h} m eða \bar{h} , eins og þiggj. eint. af hann er annars ritaður í skinnbókinni.

³) Í skinnbókinni er þetta orð á þessum stað ritað mar, en sú mynd er eigi eins rætt og Már, og því hef jeg breytt því í Már, með því líka að skinnbókin hefur hjer rætt á eptir þolandann ma, og þiggjandann uavi í visunni á eptir.

⁴) Í skinnbókinni ritað halp abglapi.

sagðist eigi mundu út ganga. Úspakr eggjar hann mjök út at ganga, en hann ferr eigi því heldr út, ok bannar öllum mönnum út at ganga, ok skilr svá með þeim. En um morgininn, er konur koma í fjós, þá eru þar særðar níu kýr til bana. Þetta fréttist víða. Ok enn er fram líða stundir, berr svá til, at maðr gengr inn á Svölustöðum, ok í hús þat, er Már¹ hvílir í. Þat var snemma um morgin. Sá maðr gengr at sænginni, ok leggr Má með saxi, svá at þegar gekk á hol. Þetta var Úspakr. Hann kvað vísu:

Brá ek ór slíðrum

skálm nýbrýndri;

þeirri lèt ek Mávi

á maga hvatað.

Unna ek eigi

arfa Hildis

fagrvaxinnar

faðmlags Svölu.

Ok í því, er hann snýr til dyranna, hleypr hann upp, Bjálfi, ok rekr á hánum tálgukníf. Úspakr gengr til þess bæjar, er heitir á Borgarhóli, ok lýsir þar víginu; ferr síðan á brott, ok spyrst nú ekki til hans um hrið. Víg Más² fréttist víða, ok mæltist illa fyrir. Þat bar til nýlungu, at stóðhross hin beztu, er Oddr átti, fimm saman, fundust dauð öll, ok ætluðu menn Úspaki þat verk. Nú er þat langa hrið, at ekki spyrst til Úspaks. Ok um haustið, at menn gengu at geldingum, fundu þeir helli í hömrum nökkurum, ok þar í mann dauðan, ok stóð hjá hánum mundlaug full af blóði, ok var þat svá svart, sem tjara. Þar var Úspakr, ok hugðu menn, at sárit mundi hafa grandat hánum, þat er Bjálfi veitti hánum, enda farit síðan af

1) Sb. bls. 41, athugasemd 3.

2) Í skínóbókinni ritað marf.

bjargleysi. Ok lauk svá hans æfi. Ekki er þess getið, at eptirmál yrði um víg Más,¹ nè um víg Úspaks. Oddr býr á Mel til elli, ok þótti hinn mesti ágætismaðr. Eru Miðfirðingar frá hánnum komnir, Snorri Kálfsson, ok mart annat stórmenni. Jafnan síðan hēlzt vinátta þeirra feðga með góðri frændsemi. Ok lýkr þar þessi sögu.

1) Í skinnbókinni ritað marf.



Vísurnar í Bandamannasögu, eins og þær eru í skinn- bókinni.

Bls. 23.

Þýr var sœmra t foñ
hugsa. geck ek allðregrí oddz at fññ. Sa h
litið t laga gaffi. þótt fíar hafí fullar g
nott⁷

Sömu bls.

þat er nu gölū gleði he
mðræga at spíalla hells v spaka ðrengi
muntu e m malf of fýnia. þt virðar þik
vitra kalla.

Bls. 24-25.

Satt e at fæk⁷ .vññ. feíf
agírní heima. oð gáz auðar nioðū mæt 7 ræg
læti. ýña ek ýðr f mm. iðia hlattr at lata. þun
ðū þýkra randa þeyff 7 sœmdarleyfis.

Bls. 35.

Jlft e ýtum
elli at biða. tekr þ seggiū f fýn 7 vitzku
átta ek næsta vol nýtra ðreigia. nu e vlf
hali ein a kroti.

Bls. 39.


Flestr mun áms 7


austra. ek vatta þ þatt. malmarūnr ū mīna
mík gelir þ þælaz. gat ek þoþðingīū þnga
hattar 10 en sandi. æft 1 augun kaftað oþk
vaft þlikū.

Bls. 42.

Bra ek o: flidz skalm nýbýndu
þu let ek maui amaga huatað. ūna ek é
arfa þilidiff þaguaxiuar þaðmlagf suolu.







Lbs - Hbs / Íslandssafn



22763934

Lbs - Hbs / Íslandssafn



22763935

Lbs - Hbs / Íslandssafn



22763936

Lbs-Hbs / Íslandssafn



21891084

